

GRØNLANDS POLITI

Sumiiffimmi siunnersuisartut ataatsimiinnera

Sammissaq:	Sumiiffimmi siunnersuisartut ataatsimiinnera
Ulloq:	30. januar 2025
Piffissaq	13.00-16.00
Sumiiffik:	Hotel Hans Egede, Nuuk
Eqikkaasoq:	Uiloq Mulvad Jessen, Sekretariatschef (fg.)
Ataatsimeeqataasut:	Politiit pisortaat (Bjørn T. Bay), Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq (Naaja H. Nathanielsen), Isumaginninnermut, Ilaqutariinnut, Suliffeqarnermut Nunamullu Namminermit Naalakkersuisoq (Jess Svane), Meeqqanut, Inuusuttunut, Ilinniartitaanermut, Kulturimut, Timersornermut Ilageeqarnermullu Naalakkersuisoq (Aqqaluaq B. Egede), Kommune Qeqertalimmi Borgmesteri (Ane Hansen), Qeqqata Kommuniani Borgmesteri (Malik Berthelsen), Kommuneqarfik Sermersuumi Borgmesteri (Avaaraq S. Olsen), Kommune Kujallermi Borgmesteri (Stine Egede), Avannaata Kommuniani 1. Viceborgmesteri (Jens Ole Nathanielsen) (sinniisoq)
Aaliangeeqataasinnaan atik peqataasut:	Sumiiffimmi politeeqarfinnut vicepolitiinspektøri (Katrine Sandgreen), Peqqinnissamut Naalakkersuisoq (Agathe Fontain), Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfimmi pisortaaq (Jørgen T. Hammeken-Holm), Isumaginninnermut, Ilaqutariinnut, Suliffeqarnermut Nunamullu Namminermit Naalakkersuisoqarfimmi pisortaaq (Martha

Abelsen), Meeqqanut, Inuusuttunullu Naalackersuisoqarfimmi pisortaaneq (Heidi Lindholm), Peqqinnissamut Naalackersuisoqarfimmi pisortaaneq (Nike Berthelsen), Qeqqata Kommuniani Kommunaldirektøri (Hans Christian Sværd), Kommune Kujallermi Kommunaldirektøri (Tine Pars), Kommune Qeqertalimmi Kommunaldirektøri (Nivi Strunz) Kommuneqarfik Sermersuumi Vicekommunaldirektøri (Marie Fleicher) taavalu Avannaata Kommuniani inuussutissarsiornermut pisortaq (Bendt B. Kristiansen) (sinniisoq)

Peqataanngitsut: Avannaata Kommuniani Borgmesteri (Palle Jeremiassen)

Ullormut
oqaluuserisassat:

1. Ataatsimiinnerup kingulliup imaqarniliornerata akuersissusitigineqarnera
2. Kalaallit Nunaata Politiiviniit paasissutissiineq
 - a. 2024-mi pinerluttuliortarnerup ingerlasimanera pillugu naatsumik saqqummiineq
 - b. Najukkami siunnersuisoqatigiit nalunaarutaat
3. Naalackersuisunit paasissutissiinerit
 - a. Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalackersuisoq (siulittaasup tullia)
 - b. Meeqqanut, Inuusuttunut, Ilinniartitaanermut, Kulturimut, Timersornermut Ilageeqarnermullu Naalackersuisoq
 - c. Isumaginninnermut, Ilaqutariinnut, Suliffeqarnermut Nunamullu Namminermut Naalackersuisoq
4. Borgmesterinit sammisanut ilassutit
 - a. Kommune Kujalleq
 - b. Kommuneqarfik Sermersooq
 - c. Qeqqata Kommunian
 - d. Kommune Qeqertalik



- e. Avannaata Kommunua
- 5. Siunnersuutit tiguneqarsimasut
 - a. Oqartussaasut innuttaasunik eqqarsartaatimikkut ajornartorsiuteqartunik naapitsiriaaseqarnerat pissusilersorfiginnittarnerallu (Kalaallit Nunaata Politiivi)
 - b. Attaveqaasersuutit pingaarutillit pillugit ilisimatitsineq (Kalaallit Nunaata Politiivi)
 - c. Meeqqat akornanni nakuuserneq aammalu aserorterineq (Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)
- 6. Tamalaat
- 7. Ataatsimiinnissap tulliata ullulerneqarnissaa



Ad 1 – Ataatsimiinnerup kingulliup imaqarniliornerata akuersissusitigineqarnera

Politiit pisortaat sumiiffimmi siunnersuisut aallartinneranniit pingajussaani ataatimiinnermut tikilluaqqusivoq. 11. september 2024 ataatimiinnermit imaqarniliaq akuerineqarpoq allannguutissatut siunnersuuteqartoqarani. Imaqarniaq politi.gl-ikkut saqqummiunneqassaaq.

Ad 2 – Kalaallit Nunaata Politiiviniit paasissutissiineq

Ad2a 2024-mi pinerluttuliortarnerup ingerlasimanera pillugu naatsumik saqqummiineq

Politiit pisortaat 2024-mi nuna tamakkerlugu pinerluttarnerup siuariartornera saqqummiuppa, tassani annerusumik ukkatarineqarsimallutik meeqqanut kinguaassiuutitigut pinerliisarnerit, toqutsinerit, nakuusertoqarsimatillugu suliat, imminut toquttarnerit kiisalu ikiaroorartut pillugit kisitsisaatit. Kalaallit Nunaata Politiivisa oqaatigaat 2024-mi pinerluttulerinermi inatsimmik unioqqutitsinerit pillugit nalunaarutiginninnerit ataatsimut isigalugu ikileriaateqarsimasut. Aammattaaq Kalaallit Nunaata Politiivisa oqaatigaat pilersaarusiamik pinerluttarneq suli ukkatarissagaat.

Politiit pisortaat oqaatigaa pisortatigoortumik ukiumoortumik kisitsisaatit februarip ingerlanerani saqqummiunneqarumaartut.

Politiit pisortaat oqaatigaa oqaaseq angerlarsimaffimmi eqqissiviilliorneq atorineqarunnaarluni angerlarsimaffimmi eqqissisimanninneq atorineqalersimasoq, paasineqarpallu nakuusertoqarsimasoq, taaguutaa soorngunami allanngussasoq.

Ad2b Najukkami siunnersuisoqatigiit nalunaarutaat

Politiit pisortaat oqaatigaa kommunini tamaginni Najukkami siunnersuisut pilersinneqareersimalersut, kingullertut Kommuneqarfik Sermersooq kitaani najukkami siunnersuisut pilersinneqarsimallutik.

Ataatsimut isigalugu najukkami siunnersuisut tamarmik aallartilluarsimapput aammalu pinaveersaartitsinermik suliaqarneq eqqarsaatigalugu aalajangiisussat pineqartut akunnerminni suleqatigiinnerat attaveqatigiinnerallu qaninnerulersimapput.

2025-mi najukkami siunnersuisut nukittorsarnissaat ukkatarineqassaaq kiisalu najukkani pinerluttarneq eqqarsaatigalugu unammillernarsinnaasunut aaqqiissutaasinnaasunik nassaarnissamat peqataatitsinissamat suliaqartut assigiinngitsut pigiinnarnissaasa sulissutiginnissaat.



Immikkoortunut Vicepolitiinspektøriusup kommunini najukkami siunnersuisut killiffii saqqummiuppai.

Ad 3 – Naalakkersuisuni sammisanut ilassutit

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq (siulittaasup tullia)

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisup aallarniutigalugu suleqatigiinneq pitsaasoq qutsatigaa, qinersisoqalinnginnerani Najukkami siunnersuisut ataatsimiinnerat kingulliusamat.

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisup eqqaavaa Folketingemi katersuunnissap tullissaanut immikkoortut arlaqaaluttut saqqummiussimallugit, ilaatigut pineqaatissiisarnermut sinaakkutanut allanngutissat, siunissamut ukiunut 16-it tungaannut sivitsorneqarnissaa.

Aammattaaq Naalakkersuisup eqqaavaa ukiumoortumik pingaarnersiuneq Justitsministerimut nassiussillugu, ilaatigut tunniussinissamut inatsisip nutarteriffiginissaa, inunnik atornerluisarneq pillugu aalajangersagaliornissaq, pinerlineqarsimasunut aningaasaateqarfissaq, pisisarnermut inatsisit marluusut nutarteriffigineqarnissaat.

Najukkami siunnersuisuni pinaveersaartitsinermi suleqatigiissitassanut siunnersuut Naalakkersuisup eqqaasitsissutigaa aammalu Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq pisortaqarfittut akisussaasutut innersuussutigalugu.

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisup inatsisit atuutsinneqarnissaanut 2022-mi pingaarnersiukkat nutarterneqarnissaasa sulissutigineqarnera ilisimatitsissutigaa.

Aammattaaq Naalakkersuisup ilisimatitsissutigaa suliaq Danmarkimi politiini "suliaq piiginnarneqartarnerinik" taaneqartartoq pillugu Justitsministerimut allakkiortoqarsimasoq paasissutissanik Nunatsinni sulianik taamaattunik ilisimasaqarnerannut paasissutissanik piniarlutik.

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisup oqaatsip angerlarsimaffimmi eqqissiviillioortitsineq atorunnaarsimanera nuannaarutigaa, apeqqutigaaalu oqaaseq ileqqorissaarneq



atorunnaarsinneqassanersoq. Tassunga Politiit pisortaat akivoq tamanna
misissorneqarsinnaasoq, siunissami kinguassiuutitigut pinerlunnermik
taaneqartalersinnaassalluni.

***Meeqqanut, Inuusuttunut, Ilinniartitaanermut, Kultureqarnermut, Timersornermut
Ilageeqarnermullu Naalakkersuisoq***

Meeqqanut, Inuusuttunut, Ilinniartitaanermut, Kultureqarnermut, Timersornermut
Ilageeqarnermullu Naalakkersuisup eqqaavaa siunnersuisut ataatsimiisitaliallu
pitsanngorsarnissaannut sulineq aallartissimasoq aammalu tamanna uterfigineqarumaartoq.

Meeqqanut, Inuusuttunut, Ilinniartitaanermut, Kultureqarnermut, Timersornermut
Ilageeqarnermullu Naalakkersuisup erseqqissaatigaa pinaveersaartitsinerup aammalu
siusissukkut iliuuseqarnerup nukittorsarnissaasa pisariaqarneri, ilaatigut inuusuttut akornanni
nakuuserarneq aammalu aserorterisarneq annermik ukkatarineqartariaqartut.
Tamatumunnga Naalakkersuisup kissaatigaa siusissumik iliuuseqarnissamut qanoq
suleqatigiittoqarsinnaanerata sulinerullu pitsanngorsarnissaata misissuisoqarnissaa.

Immikkoortunut Vicepolitiinspektørip eqqaavaa najukkami siunnersuisuni qanimut
suleqatigiittoqartoq, taakkunanilu meeqqat inuusuttullu akornanni nakuuserarneq
eqqartorneqartartoq. Assersuutigalugu politiit kommunit suleqatigalugit pinaveersaartitsilluni
inuusuttunik oqaloqatiginnittoqartartoq.

***Isumaginninnermut, Ilaqutariinnut, Suliffeqarnermut Nunamullu Namminermut
Naalakkersuisoq***

Inuusuttut akornanni nakuuserarnerup pinaveersaartinnissaa eqqarsaatigalugu
Isumaginninnermut, Ilaqutariinnut, Suliffeqarnermut Nunamullu Namminermut
Naalakkersuisup eqqaavaa ass. Pilersitsiviit aqutigalugit nukittorsarneqarnissaat
ukkataralugu, tamakkunani assassornissaminnut periarfissinneqartarlutik.

Isumaginninnermut, Ilaqutariinnut, Suliffeqarnermut Nunamullu Namminermut
Naalakkersuisup aammattaaq eqqaavaa inuusuttut meeqqat atuarfianniit aniinnarsimasut
ilinniaqqinnissamullu ingerlariaqqissimangitsut naapinniarnissaat pisariaqartoq.

Aammattaaq Isumaginninnermut, Ilaqutariinnut, Suliffeqarnermut Nunamullu Namminermut
Naalakkersuisup eqqaavaa Nuummi mittarfissap ammarnernut atatillugu ikiaroorartut
unammillernarnerulerata ukkatarinissaa pisariaqartoq.



Peqqissutsimut Naalakkersuisoq

Peqqissutsimut Naalakkersuisup aallarniutigalugu suleqatigiinneq aammalu imigassaq pillugu inatsisip allanngortinnissaanut tapersiuteqarsimasut qutsatigai. Tassunga atatillugu aamma eqqaavaa imigassaq pinerluttarnermut annertuumik sunniuteqartartoq taamaammallu ukkatarinnittoqarnera iluarivaa.

Ad 4 – Borgmesterinit sammisanut ilassutit

Ad 4a Kommune Kujalleq

Kommune Kujallermi Borgmesterip aallarniutigalugu oqaluttuaraa Kommune Kujalleq 2021-mi misiligutigalugu najukkami siunnersuisunik aallartitsisimallutik massakkullu 2025-mi kommunit tamarmik ilanngussimasut.

Kommune Kujallermi Borgmesterip ilisimatitsissutigaa Nunatta Kujataani akitsuuserisup sulini aallartissimagaa, aammalu kissaatigineqartoq akitsuuserisut amerlineqassasut. Aammattaaq eqqaavaa aningaasatigut malunnarunnaarsitsiniaanermik akiuiniarnermut suleqatigiinneq pingaaruteqartoq.

Kommune Kujallermi Borgmesterip erseqqissarpaa hashi Kommune Kujallermi suli annertuumik unammillernartoq aammalu nuna tamakkerlugu ikiaroonartunik akiuiniarnermi suut unammillernartuunerisa eqqartorneqarnissaat pisariaqartoq. Aammattaaq atornerluinermi kingunipiluusinnaasut ilagigaat kinguaassiuutitigut pinerliisarnerit aammalu sumiginnaaneq.

Kommune Kujallermi Borgmesterip erseqqissarpaa pinaveersaartitsinermik suliaqarnermi tukimut suleqatigiinneq pingaaruteqarlunnartoq, ilaatigut suliniutit pitsaanerusut iliuuseqarnerillu sukkanerusut pisariaqartinneqartut.

Kommune Kujallermi Borgmesterip Nanortalimmi pinaveersaartitsilluni politiit iliuuseqarsimaneranut nersualaaqqippai.

Kommune Kujallermi Borgmesterip ilisimalluarpaa politiit amigaateqartut taamaammallu kissaatigalugu Kalaallit Nunaata Politiivini politiit sulisut amerliumaartut.



Ad 4b Kommuneqarfik Sermersooq

Kommuneqarfik Sermersuumi Borgmesterip oqaluttuaraa meeqqanut ilaqtariinnullu politikkertik akuerineqarsimasoq aammalu pinaveersaartitsineq ukkatarineroqqinniarlugu aqqissuussinermik nikisiterisimallutik. Taakku saniatigut siusissukkut iliuseqarneq ukkatarisaasa ilagaat, uani eqqaavaa ilaqtariittut paarsisartut nukittorsarneqarnissaat kommunip ukkatarisaasa ilagigaat.

Kommuneqarfik Sermersuumi Borgmesterip nalunaarutigaa Tasiilami sapaatip akunnerata naanerini unnuakkullu politiit angalaartarneri iluarisimaarneqartut aammalu toqqissimatitsinermik kinguneqartoq.

Kommuneqarfik Sermersuumi Borgmesterip aammattaaq eqqaavaa kommunimi illoqarfimmi pingaarnerpaami pilersaarusiaani toqqissimatitsineq sammisat ilagigaat. Ilaatigut illoqarfinni toqqissimanginnerup misigineqartartup pitsanngorsarniarneqarnera, ass. illoqarfinni assigiinngitsuni qaammarsaanerup pitsanngorsarnissaa, ukkatarineqartoq.

Ad 4c Qeqqata Kommunian

Qeqqata Kommunian Borgmesterip erseqqissaatigaa inuusuttut akornanni nakuusertarneq suli tassaasoq ukkatarisassatut kissaatigisartik.

Qeqqata Kommunian Borgmesterip aammattaaq ilisimatitsissutigaa aningaasaateqarfik inuusuttut ornittagassaannut aningaasaliisimasoq, siunissamilu ornittakkami tassani unnuisalersinnaassasut. Ukiunut tallimanut tulliuttunut aningaasaliissutit illikartinneqarsimapput.

Ad 4d Kommune Qeqertalik

Kommune Qeqertalimmi Borgmesterip nalunaarutigaa najukkami siunnersuisut aallartilluarsimasut aammalu upalungaarsimanerup iluani suliallit attuumassutillit ataatsimeeqatigineqarsimasut.

Kommune Qeqertalimmi Borgmesterip erseqqissaatigaa Kangaatsiami politiit najuuttut maqaasineqartut. Taamaalilluni kissaatigineqarpoq politeeqarfeqalernissaa.

Kommune Qeqertalimmi Borgmesterip tikkuarpaa politiit suleqatigilluarneqartut aammalu kommunimi malugisimallugu politiit Kangaatsiamut takkutikulanerulersut. Tassunga atatillugu



erseqqissaatigaa ajunngitsuusoq angallammik ataasiinnarmik angalasarnissamut suleqatigiinneq.

Kommune Qeqertalimmi Borgmesterip aammattaaq Angutivik pillugu suliniut ilisimatitsissutigaa. Suliniummi angutit misigissusilerinermik ajornartorsiuteqarsinnaasut periarfissinniarnearput oqaloqateqarsinnaanermur assersuutigalugu angerlarsimaffimmi eqqissisimannginnerup kingunerisinnaasai pinngitsoortinniarlugit. Kommune Qeqertalimmi Borgmesterip eqqaavaa suliniut pitsaasumik sunniuteqarsimasoq.

Ad 4e Avannaata Kommunია

Avannaata Kommuniani 1. Viceborgmesteri isumaqarpoq Sumiiffimmi siunnersuisuni imigassap ikiaroorartullu annertuumik ukkatarineqarneri pitsaasuusoq, kissaatigalugulu politikikkut illuatungiliuttut Sumiiffimmi siunnersuisuni peqataatinneqarsinnaaneri.

Avannaata Kommuniani 1. Viceborgmesterip eqqaavaa inuit attaveqaqatigiittarfii aammalu inuit attaveqaqatigiittarfii aqutugalugit meeqqanik atonerluisarnerit pillugit pitsaanerusumik inatsiseqarnissaa pisariaqartoq. Tamatumani eqqaavaa inuusuttut tungaasigut unammillernartorpassuaqartoq aammalu taakku nukittorsarneqarnissaat pisariaqartoq.

Avannaata Kommuniani inuussutissarsiornermut ingerlatsisup Upernavik Kujallermi pisoq alianartooq eqqaavaa aammalu eqqaallugu kingunerluutaasinnaasut pillugit politiit kommunillu angalasartui killiffissiorlutik angalasartut.

Avannaata Kommuniani inuussutissarsiornermut ingerlatsisup aammattaaq eqqaavaa tingerlaataannalinnik angalasartut pillugit inuaqatigiit akornanni oqallittoqartartoq, oqaatigineqartarluni unioqqutitsisartut (ass. mineralinik annissuinerinermik).

Ad 5 – Siunnersuutit tiguneqarsimasut

Ad 5a Oqartussaasut innuttaasunik eqqarsartaatimikkut ajornartorsiuteqartunik naapitsiriaaseqarnerat pissusilersorfiginnittarnerallu (Kalaallit Nunaata Politiivi)

Politeeqarfinnut Vicepolitiinspektørup aallarniutigalugu oqaluttuaraa immikkoortoq taanna napparsimasut katsorsagassat pillugit suleqatigiinnioreersumut attuumassuteqanngitsooq.



Eqqaavaa PSP'mik suleqatigiinnermi pilersinneqarsimasumi ilaatigut politiit aammalu tarniluttunut immikkoortoqarfiup ilitsersuisarneri erseqqissaavigineqassasut. Tamanna pereerpat kommunit attavigissavaat pineqartoq pillugu suleqatigiinnerup pitsanngorsarnissaa siunertaralugu. Pineqartut ilaat misissorneqartussat tassaavoq tarniluttunut immikkoortoqarfik Nuummi katersuussimalerpat kommuninik suleqateqarnerup qanoq aaqqissorneqarsinnaanera.

Peqqissutsimut Naalakkersuisup eqqaavaa ilitsersuutit tarniluttunut immikkoortoqarfimmut pilersinneqarsimasut politiinut nassiussinnaallugit, tamannalu politiit qujarutigaat.

Ad 5b Attaveqaasersuutit pingaarutillit pillugit ilisimatitsineq (Kalaallit Nunaata Politiivi)

Politeeqarfinnut Vicepolitiinspektørip ilisimatitsissutigaa ilungersunartumik pisoqartillugu aaqqissuussisarneq politiit ukkatarinerulissagaat naatsorsuutigalugulu mittarfeqarfinnik, TUSASSimik, Nukissiorfinnik il.il. suleqateqarneq pitsanngorsarniarlugu saaffiginninnissaq.

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisup apequtigaa Ineqarnermut Attaveqaasersuutinullu Pisortaqarfik kiisalu Nunalerinermut, Imminut Pilersornermut, Nukissiuutinut Avatangiisinullu Pisortaqarfik attavigineqarsimanersut, taakku pisortaqarfittut akisussaasuummata. Tassunga politeeqarfinnut Vicepolitiinspektøri akivoq politiit taakkununga attaveqareersimasut aammalu Politiit pisortaat eqqaavaa Upalungaarsimanermut ataatsimiititaliaq suliamut ilanngunneqarsimasoq.

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisup eqqaavaa nuna tamakkerlugu upalungaarsimanermik pilersaarut Namminersorlutik Oqartussani nutarterneqaleruttortoq aammalu upalungaarsimanermik suliaqarnerup ataqatigiissarneqarnera pingaaruteqartorujussusoq.

Politiit pisortaat eqqaavaa oqartussaasut ataasiakkaatut akisussaaffeqartut ilungersunartumik pisoqartillugu qanoq iliornissaminnut pilersaarusiornissamut. Taamaattorli immikkoortoqarfiit tukimut imminnut ikioqatigiittarnissaa pingaaruteqartoq.

Ad 5c Meeqqat akornanni nakuuserneq aammalu aserorterineq (Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)



Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Pisorta qarfiup pisortaata immikkoortoq pisami ataani eqqartoreerpaa. Taamaalilluni immikkoortoq immikkut itisilerneqanngilaq.

Ad 6 – Tamalaat

Influencerit, Donald Trumpip ernerata, Donal Trump Jr.'ip Nunatsinnut tikeraarneranut atatillugu tikissimasut, pillugit pisut kingulliit tunngavigalugit, Politiit pisortaat Nunatsinnut isernermut kiisalu innuttaasunut aningaasanik agguasarneq pillugu maleruagassat ilisimatitsissutigai.

Politiit pisortaat naggasiutigalugu Sumiiffimmi siunnersuisut ilaasortaasa sinneri suleqatigiinnermut qutsavigai, kiisalu Sumiiffimmi siunnersuisut aallartinneqarmatali ilassinnilluarsimanerannut qutsavigalugit.

Ad 7 – Ataatsimiinnissap tulliata ullulernerneqarnissaa

Ataatsimiinnissap tullia naalakkersuisoqarfik attuumassutilik suleqatigalugu ullussaa aalajangerneqassaaq Naalakkersuinikkut Ataqaqatigiissaarisoaqatigiit ataatsimiinnissaat eqqarsaatigalugu.

